

COMUNICATO n. 2282 del 23/08/2021

Traduzione in Cimbri

## **Kronvirus: untarschribet dar näüge vorschrif**

**Untarschribet an vrait atz 20 von snitt von Vorsitzar vodar autonome Provìntz vo Tria dar vorschrif n. 81 boda vürlekk åndre maz zo halta au da sanitér emerdjéntz. Dar vorschrif khint nå in protokòll boda iz khent ågenump zbisnen in minister vodar sanitét un dar ågestèllte komisardjo, Federfarma, Assofarm un FarmacieUnite untarschribet atz 5 von snitt un nimp o å di provitziàln direktivan übar di èstkhindargart, di khindargart, di untarschualn, mittlschualn un obarschualn un allz bazta ågeat in schual institütt.**

**In bria darzuar khemmenda gètt åndre informatziongen bia auzolega trèff, schauspil, un vor di kublpån offe pan summar, un no vor di mense vor di arbatar un di lokél offe zo geba z'èzza soìn ågestèllte, saiz öffentlesche saiz privètt.**

**Näüge khemmenda o khött vor berda arbatet in di schualn un bia zo lesa in green pass: di diridjéntn defätte mang nützan di "totem" inngévüart vodar Provìntz zo darkhenna ber 'z hatta in grümma zertifikàt Covid-19 pittnåndar pittar natzionàl aplikatzióng VerificaC19".**

### **Bia zo macha di test in di spetziarie**

Di spetziarie boda machan di tèst bahémme bartn mochan meldn ke da hãm ågenump in natzionàl protokòll dar Apss, pitt disarn mail [abilitazioneesterni@apss.tn.it](mailto:abilitazioneesterni@apss.tn.it). Di spetziarie boda arbatn azpe frai profesionistn in Provìntz mang gian vür pitt soinar arbat un bartn khemmen gehaltet toalnemmar in protokòll.

### **Bia 'z mangda nemmen toal di laüt atz trèff, sportif manifestatzióngen schauspil in struktorn azubene un innbene**

Haltante vest in zbing zo haba in grümma zertifikàt Covid khinta besteteget ke daz mearaste mangda nemmen toal lai dar 50% vo alln in sèlln bodada magatn stian.

### **Trèff un åndre sachandar bodase haltn in baite plètz nèt inngespèrrt**

'Z izta nèt mångl zo haba in grümma zertifikàt vor di sèlln trèff un åndre sachandarn bodase haltn in baite plètz nèt inngespèrrt boda nèt hãm darkhennate un uantzege inntret, un boda mang nemmen toal laüt boda nèt soìn sèmm lai vor dise trèff un boda mage zuargian aniaglaz boda bill un haltense in sött plètz boda nèt soìn augelekk lai vor trèff schauspil un åndre sachandarn asó baz. Ma besteteget anvétze bazta sa iz khent vürgelekk vor sagre un fiarn, ma mage zuargian lai pinn grümma zertifikàt covid un berda herichtet dise sachandarn tarft auzleng di djüstn kartèlln bodaz khön; azta khemmat gevånk epparummaz åna zertifikàt barta khemmen gestraft lai daz sèll mensch un nèt berda hatt hergerichtet in trèff azta ditza hatt gemacht bizzan djüst baz ma hatt zo tüana.

### **Kublpån offe vor in summar turismo**

'Z khinta besteteget ke daz mearaste mangda ausitzan dar 50% vo alln in sèlln bodada magatn stian; darzuar zo macha zuargian un vortgian pezzar di laüt boda nützan di kublpån khinta gebèkslt bia zo roata di earstn inntret affon tage hërta haltante kunt ke daz mearaste mangda ausitzan dar 50% von sèll boda magatn.

**Grümma zertifikatzióng Covid un bia zo darkhennase in di schualn un in di åndarn institutzióngen boma lirnt vodar Provìntz un in di khindargart**

'z khinta zuargètt zo maga nützan di naüng strumentn zo lesa in grümma zertifikàt darzuar dar aplikatziong "VerificaC19" in schual diridjétn von schualn un vo alln in schual istituziongen vodar Provìntz un in diridjétn von provintziàln khindargart un von sèlln von privètt o. Darzuar gedenkhtma in zbing zo haba in grümma zertifikàtt vor alle di laüt boda arbatn in di schualn saiz berda lirnt saiz alle di ändarn un darzuar alle di sèlln boda arbatn in di khindargart un vor di sèlln boda arbatn in di schualn innzovånga pezzar di khindar bodasan hãm mångl siànka azza arbatn vor privètt konventzionàrt pitt disan istituziongen un vor alle di sèlln boda hãm an arbat boda mage khemmen gehaltet azpe berda arbatet in di schualn.

**Vür Linee vor bia 'z mochanda arbatn di institütt von provintziàl schaul sistèm un von dienst sotziàl-lirn von khindrgart un von untarschualn un mittlschualn**

Di schual mochtze haltn nã in sèll boda khint auzgemacht von provintziàln vür Linee

**Mense vor di arbatar un lokél offe vor in dienst auzzogeba z'èzza in ågestèllte saiz öffentlesche saiz privètt**

Di arbatar mang inntretn in di mense z'èzza lai azza hãm in grümma zertifikàtt covid

**Dar vorschrif un allez bazta iz ågehenk disan venntmen aftz disan link:**

<https://www.ufficiostampa.provincia.tn.it/CORONAVIRUS-Aggiornamenti-e-comunicazioni>

(us)